



豐對樓詩選目錄卷第二十

五言律詩

聞孫千父病柬之

挽孫千父衛尉

普福寺慧上人彈琴偶贈

贈吳允兆

吳門逢李世楨得聞黃孔昭信喜賦寄孔昭

徐公理悟香庵陪傅七明府

挽沈鐵山封君

徐明府善長衙齋夜酌

贈馬居士煥卿

別徐吳江善長

肩吾擢右春坊中允加五品服色寄贈

肩吾又擢右諭德兼翰林院侍講

和吳二見懷之作

寄壽李五賓父五十生朝

二月朔大雪

風

和吳秀才賞梅

長文雨中見訪

又雪

寄題李之文春水亭

最快

夜集李之文青蓮館分多字

喜曹重父見過

汪仲安參軍挽詩

五月六日不雨

李之文見過

鄭朗過存話舊

八月六日李氏二龍携酒過豐對樓餞別漫賦

越中晚行

西陵客次夢與人爭賦鳳音詩寤而驚異記之

旅枕

平望訪王磁州子良

贈魏公朗

遊吳氏廢園

從徐吳江夜飲周氏江園

賦得天馬篇贈徐善長

張純父以黃鶴山樵筆法寫松壑樓居圖見貽

賦此酬之

張左虞輩夜集北寺樓作

陸纂父過北寺樓言別酒邊因與論詩作此
傅吳縣許以舟逐不果嘲之

申汝文思稷汝敬思契汝文之子子脩允吉見
過客舍允吉出博士家言相示而思稷思契
兄弟乃少學於予至今蓋四十六年始復一
睹話舊有感遂成此篇

海陵故人盧子明湯慈明吳潛孺風雨中忽過
重雲寺客舍適出飲失接潛孺貽一詩而去
歸而悵然遂題八句奉簡相邀

書廉吏何公卷

袁州司理徐茂吳居憂其守以墨敗乃冤司理
為地遂黨構飛語污濺之司命者不登亦罷
其官天下為之不平與不佞值於金閭之陌
不佞獨念清明之世不宜有此冤事於是慷
慨悲歌奏新詩二章送之莫惡無從之涕實
為有道之傷

送沈尚寶北上

寺雪

寓重雲寺蘭若承韓澧州見貽以二詩依韻奉
荅

癸未除夕嘉定舟中呈朱令君汝虞

甲申元旦野宿水口辱朱令公臨問復與丞簿

尉廣文諸君取晤作

春江

藤溪待月

又題藤溪

沈常熟應宿明府携罇來雲閣同瞿大學邵孝

廉

沈生山居作

壽九十六歲陸太母凌姑

海外清明作

贈崇明蘇主簿愚

晴

寂寥

沈士行重剏麻姑祠於蔡經里賦此以落成之

送士行還吳門

予從致道觀同禹錫訪茂吳於東塔寺理公房

分荒字

留別孫四齊之

夜宿吳門寄傅七明府

哭李廿三椽大震

馮生偶言孫禹錫曾賦三月晦日觀妓詩乘興

追和

夜宿

江行

途中戲贈鄭朗

嚴州城上

宿嚴州城下

野店曉起

筏上曉行

宿漁亭

黥祁道中

倦游

三里岡

饒陽值上饒王傳陳教授汝德贈以詩

有序

與日者謝生

十一月晦夜大風陡作不寐似鄭朗

阻風

追和鄭朗夜過山陰之作

清源觀

亂石灘

日暮

齊雲山後筏行

伯玉拄笏樓小集

雪中高卧適王仲房見訪紀之

雪中栖霞寺僧朗上人索詩贈之

黃居士公讚舉子甚奇作詩紀之

過肇林呈汪長公

枕上

吳仲實汎舟放筏溪上二首

有序

谷叔翹

隱君

翠蓋亭詠

丹谷山房

柴仲初移居七首

閏月四日夜集中一孺秀才宅

閨重九與張來韶申汝文汝敬子脩登方塔分
天字

食靜海寺觀一上人伊蒲饌作

越中夕沉
哭李七邦臣

蘭

送董君謨讀書檇李兼簡李玄白

寄孫華容有序
贈黃孝廉仲高

贈吳處士

送張君異同孺覺使君赴高州

豐對樓詩選卷第二十

甬句東沈明臣嘉則父著

從子沈九疇箕仲氏選

五言律詩

聞孫千父病柬之

大樹滿庭陰陰符何處尋將軍不射獵義士孰分金
病枕應黃石貧詩正越吟青天看只尺悽斷故人心

挽孫千父衛尉

千載嗟孫武荆吳未講兵秋風摧大樹霜月浸空營
金印聊詩草雕弓豈射聲一時須戰伐回首痛干城

普福寺慧上人彈琴偶贈

艤舟吳水曲古寺喜相尋
傳是玉珉宅何如支遁林
坐深叢桂榻一聽梅花琴
不覺日過午冷冷清我心
贈吳允兆

相逢元不易萍水是佳期
水上孤篷兩山中九日時
未須論去住同病即相思
願借杯中物沉酣到別離

吳門逢李世禎得聞黃孔昭信喜賦寄孔昭

無奈狼山別驚看越嶠長
幾年鴻鴈絕此日信音將
說與君同巷逢予客異鄉
相憐極相慰直欲夢飛揚
徐公理悟香庵陪傅七明府

香閣氤氳甚秋雲藹若春
地連居士宅客現宰官身
白佛非僧相青山是酒人
百年渾得醉願授一塵氓

挽沈鐵山封君

一老真名父佳兒是五良
緣知白眉者竟作紫薇郎
何事仙游蚤終憐冥路長
行人俱慟哭不忍過公鄉
徐明府善長衙齋夜酌

鳴絃常放鶴退食且邀賓
公案侵霜菊官衙傍水筠
吏情彭澤似客况仲宣真
相送溪橋上清波月媚人

贈馬居士煥卿

不怨食無魚空牀數卷書
席門陳仲子四壁馬相如

江月供吟眺庭花候起居正憐蕭瑟意一似上皇初
別徐吳江善長

繫纜沙邊久空江但月明依栖雙樹得來往一鷗輕
作客驚時過還家喜浪平殷勤謝王吉無滯馬長卿
肩吾擢右春坊中允加五品服色寄贈

中允非常調青宮切紫薇位高憂漸逼名滿尚須微
况實逢明主猶當問布衣倘憐他日事莫使諫書稀
肩吾又擢右諭德兼翰林院侍講

一歲喜三遷崇恩渥講筵九霄懸舜日千古戴堯天
契合真無比飛騰不偶然昔人箴大寶日上聖王前

和吳二見懷之作

客以還家喜因之日掩扉病憐無事好閒愛友人依
庭樹猶紅葢寒池剩綠衣忽驚詩句及莫謂報書稀
寄壽李五賓父五十生朝

聞君歲五十正值梅花新對酒且深醉賦詩常寄人
綵鳳看兒子慈烏哺老親百年行樂地門接大江春
二月朔大雪

密洒無休歇欺凌何太深梅花壓欲殺琪樹恐難禁
遠映瑤空黑低侵鏡水沉五行誰復志愁絕野人心
風

雪後雨仍瀉雨餘風更顛千山春鳥寂萬壑水雲連
天意應難料機祥不偶然調元有元宰爛醉只高眠
和吳秀才賞梅

春色它鄉好何如只在家故人多白首罇酒共梅花
行樂唯真率酣歌但歲華升沉與榮辱都不解咨嗟
長文雨中見訪

與世偶無事貧居不出林多君采芝興適我白雲心
累月山花濕一春江雨深倘逢明月夜還許細相尋
又雪

又雪已春深花繁正不禁報眠驚忽起引坐喜相臨

昨漲前溪沒新流大野侵老農無一事憂歲只微吟

寄題李之文春水亭

池上青蓮館館前春水亭鷗來不肯去客至但沉冥
浩蕩回天影烟波洗性靈城邊落日下半入海霞青
最快

最快今年閏群兇授首時到來三尺法敢謂一人私
國是于今是王師始足師淞河風浪穩高枕不須疑
夜集李之文青蓮館分多字

別墅晚相過門深入菱荷寺花歌岸雪城柳拂天河
水澗春星動林空草露多直愁鷗夢醒爛醉柰歸何

喜曹重父見過

芳信雲間至江花雨後飛一時歌有客不醉且無歸
林水貧家供盤飧野外薇倘能淹從者同宿釣魚磯

汪仲安參軍挽詩

龍蛇非此歲何以哭先生薄仕聊相假高居乃至情
著書深白髮憤世枯青萍朝暮雷山色風雲爲不平

五月六日不雨

一春多是雪半夏揔炎曦赤地真無奈皇天不可知
商羊何日舞雲漢古人詩讀罷唯雙淚桑林禱未遲

李之文見過

吾新開白版客喜過青蓮大笑愁真豁深杯病不蠲
山山秋色朗樹樹水雲鮮記得溪頭別斜陽欲半船

鄭朗過存話舊

三徑開青桂孤舟駐綠溪一時忻把臂四海合幽棲
細雨迷江濶斜陽接樹低上人嗟見晚同進忌名齊
時事真堪哂須當醉似泥

八月六日李氏二龍携酒過豐對樓餞別漫賦
江樓秋對兩山徑晚携尊那惜自沉醉願言同彼昏
二龍人御李雙戶竹爲門須記花前別長歌老瓦盆

越中晚行

乾坤何處客行路少停留白水明於練青山黛欲流
小舟無柰晚大越正宜秋累憶曾經過尋詩坐竹幽
西陵客次夢與人爭賦鳳音詩寤而驚異記之
何處音聲絕啼時作鳳皇聽來阿閣上聞去岐山陽
日散梧桐影風吹竹實香人間那有耳鐘磬未央長
旅枕

睡醒渾不定旅枕一時浮信水喧江閣踈更逗驛樓
客魂清與荅鄉夢續還悠不道爲行役那知風雨秋
平望訪王磁州子良

笑果山頭飯訪君罌脰湖草堂天上坐白鳥鏡中孤

市近饒鰕菜情深愛酒徒踈更隣寺得鐘磬杳然無

贈魏公朗

當時魏公子喜客至今聞汝亦能豪舉應爲無忌孫
讀書江縣館飲酒太湖罇他日相逢處須令風誼存
遊吳氏廢園

窈窕江城裏名園竹自深芙蓉間照水梧柳亂成陰
橋斷青蕪上亭欹紫蔓侵鈎衣披刺入落日且登臨
從徐吳江夜飲周氏江園

愛客使君心相携到竹林池光燈影亂山氣酒香侵
月吐寒城曙霜清夜閣深醉歸人語響驚散隔溪禽

賦得天馬篇贈徐善長

天馬來何處房星此降精騰空雲作路躡影電流營
玉勒桃花淺金羈紫燕明長嘶逢伯樂萬里獨橫行
張純父以黃鶴山樵筆法寫松壑樓居圖見貽
賦此酬之

何處樓居好無如松壑間多君飛綵筆爲我寫青山
自是天然景移來地角間想當磅礴處黃鶴且飛還
張左虞輩夜集北寺樓作

獨醒吾自笑沉飲羨諸君高閣明華燭深江破黑雲
酒兵馳上駟觴政儼三軍正是州閭會餘桃若箇分

陸慕父過北寺樓言別酒邊因與論詩作此

江寺一樓兩山牀五夜鐘陸郎何處去別恨眼前濃
詩法須深穩終身貴有宗少陵旗鼓在能者自心從
傳吳縣許以舟迂不果嘲之

許我携青雀相邀到闔閭空江白日晚寒雨碧城踈
獨坐聞流水閒行出佛廬宰官能渡世此岸復何如
申汝文思稷汝敬思契汝文之子子脩允吉見
過客舍允吉出博士家言相示而思稷思契
兄弟乃少學於予至今蓋四十六年始復一
睹話舊有感遂成此篇

相見已蒼然相違四十年語中多舊事眼底見新篇
感慨乾坤淚悲歌去住筵一杯須強進把酒重留連
海陵故人盧子明湯慈明吳潛孺風雨中忽過
重雲寺客舍適出飲失接潛孺貽一詩而去
歸而悵然遂題八句奉簡相邀

風雨彌天大故人何處來相逢交臂失直使寸心摧
白雪留新句空山闕茗杯急須今日過一聲舊罇壘
書廉吏何公卷

何公子畢竟以廉吏故得列爲諸生耿督學
於是乎加楚王一等矣故有優孟寢丘之說
何公名銓字文衡句容人麻城縣簿已而爲
王官皆俎豆之

人本風塵吏心真冰玉壺俸錢供買水官馬去留駒
主簿仇香並長沙賈傳俱不勞優孟學竟得寢丘都
袁州司理徐茂吳居憂其守以墨敗乃寃司理
爲地遂黨構飛語污濺之司命者不咎亦罷
其官天下爲之不平與不佞值於金闔之陌
不佞獨念清明之世不宜有此寃事於是慷
慨悲謔奏新詩二章送之莫惡無從之涕實
爲有道之傷

叵柰袁州李風塵早罷官曾無二卵棄欲扣九閭難
 聖世傷麟鳳青年在考槃乾坤一執手不為爾酸辛
 文章憎命達此事已從來獨怪風霜甚能令日月歷
 青天喧市虎白晝聚蚊雷感慨盈雙睫因君濕草萊
 送沈尚寶北上

萬里開行色千山雪霽時朝天飛鷓首尚璽侍龍墀
 暖氣銷梅臘風光上柳眉王臣經過地負弩幾人馳
 寺雪

避風安客舍坐雪愛僧堂飄處香烟濕封來覺路妨
 佛燈青乍晃梵茨冷猶黃凍折蓮花漏鐘聲不肯長

寓重雲寺蘭若承韓澧州見貽以二詩依韻奉

荅

白頭猶作客歲暮屬三餘愛爾過從數忘予禮法踈
 凍雲雙戶掩殘雪半庭虛即此相逢地他年夢佛廬
 空門棲倦客凍雪老荒苔為有看梅約因之渡剡來
 荊州人願識卜璞汝能開別後知難判停雲首重
 癸未除夕嘉定舟中呈朱令君汝虞

春風吹練水寒雨滯孤舟客漏逢宵盡人生感世浮
 江湖雙不借天地一浮漚明日明年事鐘聲出縣樓
 甲申元旦野宿水口辱朱令公臨問復與丞簿

尉廣文諸君取晤作

野宿與鷗隣君來門水濱
干旌驚客曉桃李傍誰春
節序天涯共賓朋海內親
即看鷄犬地無物不陶鈞

春江

客子今何事春江買釣航
東風吹杜若白日詠滄浪
一字堪相托雙鴻去不妨
黃金新柳色欲斷美人腸

藤溪待月

暝坐草堂寂山橋與樹平
松際待月出願照梅花明
不意谷口吐却從水底生
幽賞未云罷又聞鐘磬聲

又題藤溪

山園春事幽足浣千古愁
白日看流水青山對浮鷗
低枝妨出入密竹礙行遊
路口欹冠立梅花侵白頭

沈常熟應宿明府携尊來雲閣同瞿太學邵孝

廉

為政琴川上鳴絃多暇時
清尊携客賞高閣看雲遲
俯檻雙湖細登臺萬壑移
醉歸花柳暗風景似南皮

沈生山居作

坐君梅花澗終日忘去歸
采芹呼孺子選竹過漁磯
老樹陰成幄閒房石作扉
兼之明佛理願與着緇衣

壽九十六歲陸太母凌姑

豐登詩選 卷三十一
百歲已無多明星出絳河霞君青玉珮王母白雲歌
日月都忘數乾坤老若何曾玄諸婦謁猶說舊鳴梭

海外清明作

海外無寒食愁中有笛聲怪他楊柳色偏向旅人明
風勁綿猶薄春深鳥不鳴故鄉何處所丘隴最關情

贈崇明蘇主簿愚

翩翩蘇季子棲棘海中洲矮屋茅為棟閒曹吏似鷗
漁竿依帶綬江草秣花騮恨識仇香晚真非百里儔

晴

客恨太春陰晴光忽滿林茆披千棟雪葑雜半城金

海鶴盤天濶江花醉日深垂垂楊柳樹拂動故鄉心

寂寥

身似南鴻去心如北斗懸夜眠滄海上春過嶺雲邊
觸目鶯花地懷人穀雨天寂寥何所作一誦白頭篇
沈士行重剏麻姑祠於蔡經里賦此以落成之
流水故依然仙祠廢幾年今知撒米處重睹此踟躕
草帶霞衣碧花增寶髻妍吳興沈麟士力爲構華祿

送士行還吳門

送汝春江暮憐予尚未歸空餘汀草綠無奈燕雛飛
百里家非遠經年見獨稀前村沽酒處幾樹夕陽微

予從致道觀同禹錫訪茂吳於東塔寺理公房
分荒字

心地入清涼春風滿大荒訪君過白馬笑我離青羊
米汁留狂客鐘聲出上方舉頭看塔影已沒水東墻
留別孫四齊之

與君執手別無限淒涼情貧賤未爲苦骯髒多不平
山花射眼過海月依人行加餐請勿厭鴈來時寄聲
夜宿吳門寄傅七明府

美人何處所懷舊賦新詩滄海歸無恙青天夢有時
重城千里隔良夜十年期不盡烏啼樹空令明月知

哭李廿三椽大震

曾寄倉曹椽閒心薄利名一經能教子萬事不關情
江上唯垂釣山中只課耕如何赤髮鬼來及白眉生
馮生偶言孫禹錫曾賦三月晦日觀妓詩乘興

追和

莫羨春全落風光夜轉加借眉纖作月眇舞巧生花
歌送青陽去昏迷玉洞賒南薰催曙色欲照翠鈿斜

夜宿

夜宿桐江許高天明客星薄烟籠樹白纖月避山青
岸陡風聲逼灘長水力停隣鷄難得曙伏枕柁樓聽

江行

行唯觀水勢宿每傍鷗群楓嶺全疑錦秋江半是雲
臨風吊嚴子凌月過桐君坐愛孤帆色平將翠靄分
途中戲贈鄭朗

客子着儒衫行囊書一緘水禽飛見鷺嶺樹翠知杉
短道紆長策空江走大帆青天殊未晚斜日慙西峽

嚴州城上

江誰新定者客自喜初登島昔名方氏州今姓子陵
孤城凌絕巘大壑走危檣山寺烏龍磴遙看下一僧
宿嚴州城下

古郡睦爲州漸江最上游桐君分下已漢客釣清流
榭合千峯色城臨萬壑秋孤蓬一夜宿何以荅飛鷗

野店曉起

鷄鳴催上筏兀坐起茫然片月寒江盡孤燈破壁懸
旅魂真欲斷鄉夢未曾圓何日山齋裡高窓抱日眠
筏上曉行

出門纖月在白霧欲吞沙急水鳴千碓寒星帶一槎
雞聲催海曙霜氣葦林花十里前灘上炊烟未一家

宿漁亭

漁亭今夜宿作客信乾坤山盡齊雲處江分漸水源

豐壘樓詩選 卷二十一
土風兼楚俗鄉語雜蠻言
明日前途去蒼茫未可論
黥初道中

大國以徽名天都路不平
民風商別土門戶女專耕
地窄多重屋溪高不受舫
經過吾偶爾得句且閒評

倦游

倦游嗟老大歷險失風神
水國俱經涉山程自苦辛
妝樓紅粉妓旅店白頭人
一笑空回首西江十月春

三里岡

三里岡頭夜孤燈客影前
青山圍縣詭細雨濕江天
牢落淹山店艱難待峽船
此生何所事漂泊送流年

饒陽值上饒王傳陳教授汝德贈以詩有序

陳教授吾浙之孝豐人予冠時從友人趙生
所識之踰四十年而以博士教吾象山奉化
兩邑中是時余嘗遊四方不得一把手乃今
客饒陽而獲聚首者旬日携罇過我驩然道
故贈以五言用申雅誼

饒陽陳博士何似董江都
客至鶯偏囀官貧馬亦無
春風携苜蓿斜日照珊瑚
翻憶吾初冠知君汗血駒

與日者謝生

江上雨新過天青道少人
下簾分卦氣端策驗星辰

豈是長安市殊為蜀郡隣笑予非宋賈伏軾自逡巡

十一月晦夜大風陡作不寐似鄭朗

獨夜荒江上長林吼大風五更寒轉劇千里夢難通
枕上無窮事天涯一病翁孤舟不可發寂寞與君同

阻風

占年傷太暖作客喜偏晴白日將歸去青天陡變更
路沾吳雨重風送楚帆輕自笑孤舟泊危檣與岸平

追和鄭朗夜過山陰之作

夜出山陰道更深聞采菱帆邊踈北斗枕上到西陵
峯壑空千萬雲霞罷蔚興翻思沽酒日梅福市前曾

清源觀

絳閣浮青靄玄宮隱赤松空亭宜木末暖氣變山容
何處仙源去茲峯緱嶺重籠葱城郭暮隔水似芙蓉

亂石灘

亂石鐵門攢岷岬東急湍經行真險絕閒坐得奇觀
不向坎中出誰知行路難息機當有日且放酒杯寬

日暮

日暮入溪口輕舸冒紫葦山花空待雪水鳥不驚人
客路分青嶂仙雲度碧津客行須托宿遣問竹西隣

齊雲山後筏行

白沙移短筏水上即仙鄉
樹樹將春色山山自夕陽
瓊瓏青漢裡突兀紫霞旁
舊日經行處猶聞瑤草香

伯玉拄笏樓小集

登君拄笏處正值傳觴時
瓦盆饒大嚼高閣快臨睥
坐以看山久詩因待雪遲
白雲還片片常與赤松隨

雪中高卧適王仲房見訪紀之

正穩袁安卧忽來王子猷
門深三尺雪溪剩一孤舟
對面須增白論心眉不愁
憐君慷慨意真是古風流

雪中栖霞寺僧朗上人索詩贈之

雪壓萬山中相逢得朗公
片時觀水月一語聽松風

開士塵無碍高僧性本空
鑪邊茶已熟却與趙州同

黃居士公讚舉子甚奇作詩紀之

善矣黃居士生男事甚奇
轉輪徵異夢亡婦即新兒
大耳驚神驗齋心賴佛持
幽明多變幻六合揔難知

過肇林呈汪長公

布地金初滿闢林衆已皈
日因貪佛過風愛聽鐘微
青入蓮花閣緇披艾葉衣
願來供灑掃一切洗前非

枕上

四檐鳴夜雨萬里濕春雲
夢醒知何處天涯一病身
兩眶殊有淚半枕即懷人
恍忽尋歸路江雲片片新

吳仲實汎舟放筏溪上二首 有序

歛西之溪南乃山水佳處自古無舟楫之遊而舟楫之遊乃從吳君仲實始事詳汪司馬水嬉記中今年萬曆乙酉春予與郭次父客其地於正月廿有七日仲實復爲是遊舟坐者八九人筏而幕坐者六七人樂部前導逆挽上前溪十數里樂任人爲酒行無筭日暮未還燭已見跋於是沈生賦詩二章用以紀勝而次父同聲實爲佳唱是日也乃仲實長生之辰其子潤卿治具二美四難具有之矣

愧無右軍之筆以垂會稽之名耳

風氣山川閉風流君獨開水嬉傳勝賞宅汎待今來
預板前朝楔先流上巳杯碧天青嶂裡黃帝有高臺
逆上白雲溪牽花百丈低杯盤春水上簫鼓夕陽西
金谷人何似蘭亭會可齊贈貽無芍藥溱洧不教題

荅叔翹

愛君脩竹館兄弟自相親長物唯圖畫過從但隱淪
人間清似玉地冷不生塵豈獨飛清夢還期挂葛巾

隱君

何處隱君子山林朝市間心依流水住身共白雲閒

不取松枝食還將桂樹攀半山清嘯發阮籍定應還

翠蓋亭詠

都是三天子官曾五大夫偃然凝翠蓋况復綴流蘇
幽色空亭得清陰白石扶有時明月上頂挂大秦珠

丹谷山房

借問蘇門嘯何如丹谷家石堪成藥臼穴自產靈砂
陰磧宜栽竹陽坡可種瓜門前三十里都說是桃花

柴仲初移居七首

平生涉世淺卜宅愛雲深種藥防多病移居遂隱心
澄江連北郭野寺近東林俗轍知難到高眠莫廢吟

擇隣忻得地最與茂林宜况復城邊樹俱依水上陂

書齋真近竹客座欲臨池無事唯開卷新詩自解頤

短策依長薄輕舸泛小溪出門人事罕閉閣道心齊

病不妨禽戲書堪玩馬蹄待余閒過日祇用一携琴

江郭近移家圖書載幾車莫鉏君子草須種長卿花

北苑三眠柳東陵五色瓜知君非所事都不向誇人

隣借千竿竹家成一畝宮門前無俗駕庭下有高桐

客過譚名理僧來晤法空夕陽西畔柳樹樹影牆東

已遂携家願還觀養性書尊生唯寡慾樂志在安居

幾片城雲濶千行海樹踈牀頭曾有酒足以換江魚

豐登村詩選 卷三十一 十一
世事真堪哂時人莫浪交野烟青匝樹海日白生茅
怪雨傾龍窟顛風覆鳥巢揚雄甘自拙書用解人朝

閏月四日夜集中一孺秀才宅

秋色明松逕江楓落草堂論文吾不忝用世爾何長
新月鈎簾並黃花酒甕香它年風雨夕應記老生狂
閏重九與張來韶申汝文汝敬子脩登方塔分

天字

重九還重九今年復閏年登高仍故事插菊哂華顛
山遠斜吞日湖平直接天故人能買酒唼笑一尊前
食靜海寺觀一上人伊浦饌作

相對一懽然相逢重十年物情原是佛詩道本通禪
殘菊留三徑新茅得數椽飽餐香積飯分手寺門前

越中夕汎

大越饒山水曾經幾度過晚霞凝綵鳳凍水貯青羅
高嶺寬樵徑深江穩釣蓑倘堪終托老願買一烟蘿

哭李七邦臣

嗜酒一生性忘機終日閒捕魚常逐隊放浪獨尋山
有子晚足醉無妻老曰鰥憐予同少壯清淚爲君潛

蘭

高識巖阿秀叢知澗底幽日烘香最烈風軟葉偏柔

豐樂堂詩選 卷二十一 十九
不采生君怨遺芳入楚愁野人吾自喜用以佩羊裘
送董君謨讀書檇李兼簡李玄白

春色正茫茫送君江日黃雲開浣紗石兩歇禦兒鄉
帷下曾無倦園窺也不妨寄聲同調者日可奏清商

寄孫華容 有序

華容令孫君故揭陽人以貢主勤簿有善政
已而承連江人稱屈焉乃今令華容廉吏稍
吐氣矣聞其赴任賦此寄之

孫楚真廉吏栖遲已十年一朝公論出百里命初專
樹色巴陵兩波光夢渚天勸農知出郭應宿禹山前

贈黃孝廉仲高

江門魚正熟值汝自燕歸剩得黃金駿來同白玉杯
故山春滿眼新水綠如醅定有飛騰日何須鳳鳥媒
贈吳處士

明時爲處士海上作閒人小院花如繡茅茨水是隣
醉遊堪老大坐隱任清真不問門前事唯言滿甕春
送張君異同孺覺使君赴高州

聞說銅魚使將携白馬生路從海嶺去人共竹林行
山水高涼郡天特瘴厲輕加餐願相勉努力赴王程

豐對樓詩選卷第二十

豐對樓詩選目錄卷第二十一

五言律詩

秋雨

過錢淵父水北園作

錢三孺見枉江上賦慰

詠冬月杏花伯遠玄白同賦

賦得珍禽巢樹顛

雨泊樵李城南不寐懷伯遠玄白

橫山寺遲伯遠不至乃得王美人來

送友人從剡入天台 娛老

夜泊白家河下 曉雞

湖橋晚泊

重過義興懷故友朱邦憲乃昔同遊之地

投宿山家

溧水道中作呈龐博士

買魚

雨泊

冬暖

至秣陵作

過訪報恩寺師弟祚公

柬伯玉司馬

金陵雪中值吳孝甫

蜡月廿五夜集陳嘉之朝熙樓分春字

元夕宿瓦官寺全公房同晦通權諸公夜話

宿全公房

送馬參軍用昭以滿考北上二首

春夜飲智公房

九之日集陳嘉之朝熙樓同王孟起姚叙卿諸

君分升字

息機園詩為海陽謝易之題

青溪館賦得携燈照海棠分開字

集馮庫部叔熙衙齋分通字同鄔汝翼葛公旦

章孟嘉

陳沅陵宅賞玉蘭作

投贈江東門外接待寺僧碧雲一首

江浦道中作似梁明府紹父

雪中觀妓

過皖城謁余忠宣公祠

將入太湖縣從皖口蚤發過石牌作

野宿

真乘寺

寺樓讀書

作客太湖五月無雨日坐僧舍荒園中因簡王

明府子聲

過鷹巢樹村

遠憶

西壩

讀蘇叔黨颶風賦

觀漲

天童寺大雄殿高十七丈一夕為風雨摧壞事

在丁亥七月廿有一日云

秋日病懷四首寄似家少宰肩吾兼柬余君房

督學

孺愿携榼伯翼脩園看芙蓉同其弟姪及朱倪

兩君因朝伯翼他往

七屯部移家月湖之西得詩二首似之

柬慧上人朗初天井山中

問病柴仲初

病遣

方叔仁移家

戊子元日

六日潘景升太學見過

訪贈傅長源秀才兼示其姪孫光祿

宿傳光祿東樓

青霞閣為李子承題

少宰以禪相勉賦示二首

鄭朗携尊尋水雲亭分通字

盧子明見過二首 喜雨

病瘍二首 蕭瑟

疽發背五少宰遣家奴劉喬來治能攻其毒謝

少宰 得鄔汝翼書

枯坐 劉喬采藥未還

病中諸友見過謂子明孺植孺宗大連仲連定

國長文鄭朗中孺 病間問孺原瘡

新沐二首 劇病中志幸

乞何氏紅桃 十一月望

聞伯翼病歸 東孺愿

乞孺愿酒

孺愿懷我以詩貽我以酒因成斯篇用答其雅

答孺宗見懷 五雪

答鄭朗雪中見懷 重沐

病起懷四明山 人日

賦得金閨近贈少年客遊者

耳聾 過邵武令張長公墓

尋李五墓

赴李退思飲

四月十九日雨

春江四十二弟餉魚作

生來

小醉

酷暑中寄示鄭朗二首

愁

秋熱

霏雨

何不日悠悠

黃髮

五少宰第五子彌月赴宴作

與慧朗初登城同賦 登延慶寺鐘樓作

送蔡子行北上赴余公子太僕之招

臘月廿八日夜雪

積雨

廿一日甲子新霽二首

二月五日雪

窺園

過孺宗齋頭值主人外出

讀鄭朗病草作寄

哭窓友何廿七秀才仁里二首

七月七夕作

八月廿有五日包和孺携尊過陸氏樓同張平

叔陸汝通汪長文張玄度張孺愿張公魯陸

宗昇侍酒者朱生賽蘭以芙蓉不及美人妝

為韻某分得芙字長文同韻

同陳嘉之過訪李太學惟中

憶花下送別錢子儲賦此為寄

豐對樓詩選卷第二十一

甬句東沈明臣嘉則父著

從子沈九疇箕仲氏選

五言律詩

秋雨

刈穫當秋際沉沉雨日來登場應缺望生耳忽成災
乍見南山出旋聞逐婦哀老夫時下榻頻立破蒼苔

過錢淵父水北園作

最愛荒園寂因憐野趣賒秋深饒橘柚水冷淨蕪葭
夜色無螢火寒香有菊花怪予身已老不得遠携家

錢三孺見枉江上賦慰

江上忽相見形容亦已蒼
兼兼須似漆疊疊論飛霜
橐富新詩草琴橫舊石牀
明將移小棹肯共作漁郎
詠冬月杏花伯遠玄白同賦

南國江園暖寒枝發杏花紅
妝邀暮雪冷艷作春霞
松畔逢毛女梅邊誤狹邪
便須尋一醉自許玉山斜
賦得珍禽巢樹顛

伯遠廳事前木蘭兩樹有鳥各構巢於上
鳥名相思又俗呼爲十姊妹云蓋飛鳴飲啄實
同一處一鳥去則九鳥皆去一鳥來則九鳥

皆來亦羽虫之有義者也伯遠孺白賦之余
爲嗣響

珍禽巢玉樹十子共嗚呼
來去非離合雌雄定有無
夕陽群影聚明月衆花扶
借問相思意能同匹鴈孤
雨泊樵李城南不寐懷伯遠玄白

可柰孤舟客江深夜雨長
微鐘何處寺獨雁此他鄉
無夢頻欹枕懷人不離牀
一燈明滅影空照九迴腸
橫山寺遲伯遠不至乃得王美人来

野寺孤僧住山家一畝園
竹光寒自綠巖瀑晚成痕
騷客仙風遠佳人錦瑟温
相逢一沉醉莫便報黄昏

送友人從剡入天台

步步引桃花天台路不賒
帆前青嶂月杖底赤城霞
曉磴收花露春泉洗藥芽
饑來寧煮石莫便飯胡麻
娛老

山僧携偈謁野客借書抄
五曲引流水三間蓋白茆
青松妻釀醪紫芋僕供餽
最喜堪娛老風塵息四郊
夜泊白家河下

欲戍毘陵浦孤舟住夕陽
天空群木禿水影一星長
白傅門墻古王臣甲第張
行人無定跡似佛宿於桑
澆鷄

水宿天難曉鷄聲忽滿村
星河光轉白霜露氣成痕
已斷行人夢恐傷殘月魂
報知秦法變應放孟嘗門

湖橋晚泊

百里鍾溪水清渾截兩頭
一天湖捧日萬樹柳藏洲
市晚魚鰕絕沙暄鴈鷺稠
笑余爲客慣撫景學吳謳
重過義興懷故友朱邦憲
乃昔同游之地

重來思故友悽斷十年心
三九水波惡兩山寒色深
咄嗟唯涕淚名勝罷登臨
人世江流急頓然成古今
投宿山家

野宿投山徑孤村八九家
空林饒棗栗古井覆藤花

簡朴疑淳俗風流學舞巴翻來供一喇笑落夜燈花
溧水道中作呈龐博士

瀨水水名邑提封却是山馬蹄穿欲盡車轍去間關
村木多榆柳池花雜草菅美人鳴鐸處桃李破春顏
買魚

舴艋出沙河人烟凍薜蘿雲深聞雁少水淺漉魚多
客買仍高價人情太不和緣知吳楚俗織晉柰渠何

雨泊

莫道愁無那蒼茫獨詠詩句來神自得情至理何疑
耳失孤篷雨心搖萬里期古來行路者難不在艱危

冬暖

寒暄當有節天意頗難憑客臘愁將盡農春喜漸興
雲黃天釀雪沙白水含冰冬煖死央病詩曾詠少陵
至秣陵作

廿載辭京國重來感慨多美人皆白髮高陸浸滄波
不覺青衫濕其如碧玉何寂然無一語醉後只狂歌
過訪報恩寺師弟祚公

汝能離世網我亦愛逃禪千里羸糧至聯床對雨眠
往來雙樹下朝暮一燈前已解無生理天親本自然
東伯玉司馬

曾聞白太傅常住岱山東今說汪司馬高眠焦洞中
歸帆秋後雨蠟屐桂花風借問桃源塢新成幾處宮
金陵雪中值吳孝甫

一別形容改重逢二十年停雲多夢寐大雪此留連
四海論交後千秋感慨前與君須痛飲醉卧秣陵天
蜡月廿五夜集陳嘉之朝熙樓分春字

老作秦淮客懽逢吳楚人一樓風雨集四海弟兄親
城角寒沉漏餅梅暖向春主人真仲舉留我榻先陳
元夕宿瓦官寺全公房同晦通權諸公夜話

空門無歲月相見便成緣歲首忘爲客塵心忽悟禪
天寒譙漏澁雨罷佛燈懸縱是憐神駿朝來欲借鞭

宿全公房

古寺瓦官陰山房萬竹深燈明花映壁鐘罷雨鳴林
有證三乘法無傳半偈心唯應許玄度綠草路重尋
送馬參軍用昭以滿考北上二首

知汝心中語臨岐乃發端拜恩參舊府縻祿愧閒官
犬馬齒猶壯君親報莫殫願俾臣一郡邊劇敢難

南送北征輪柳條才發新折來鞭瘦馬不得滯行塵
何地非王土無人笑問津莫辭行役倦君本是薪

春夜飲智公房

併梅春細細銀燭夜融融饌客開香積高僧得智公
 雪消松雨滴星出寺雲空欲借間房宿鐘聲又曉風
 九之日集陳嘉之朝熙樓同王孟起姚叙卿諸
 君分升字

青門春似海白社酒如澠席徙醉還集樓高倦復升
 故鄉千里共王姚諸君其先俱從浙之間右徙實故云樂事二難并上國
 元宵近何妨蚤試燈

息機園詩為海陽謝易之題

謝客家南海名園號息機公從河上隱人自漢陰歸
 鳥遍巢庭樹鷗俱下石磯由來抱甕者真與世情違

青溪館賦得携燈照海棠分開字

何處增花媚嬌從燭影迴紅妝殊不卸丰韻勝初開
 錦帳妃春睡瓊樓薛夜來風流諸學士臨去重徘徊
 集馮庫部叔熙衙齋分通字同鄔汝翼葛公旦

章孟嘉

虛館集豪雄簾高燕子通客心寒食候官柳帝城東
 隣國便鄉語盤餐習土風正惟無事日講武大夫功
 陳沅陵宅賞玉蘭作

燕客玉蘭堂春風滿座香酒熏蘭氣上花並玉人芳
 水榭晚移席珠樓月近牀卧來高百尺吾正憶元方

投贈江東門外接待寺僧碧雲一首碧雲之十
世祖故予郵人

江上逢新寺題詩贈碧雲禪心間與共香積飯堪分
遠祖同鄉邑初交有見聞踈鐘片月下一理梵王文
江浦道中作似梁明府紹父

是年丁亥立春後連月皆冰雪故無麥前此
既以潦病矣畿輔之地實屬可憂云

雲帆歸浦口春色老江乘此日一爲客寸心殊欲憎
靡蕪空自好牟麥恐難登道路逢人說那堪正月冰
雪中覩妓

雪戶紅妝倚飛英點翠翹薄氣侵絳口密恐重織腰
拂面梨花近橫眉柳黛驕更看歌舞處雜珮散瓊瑤
過皖城謁余忠宣公祠

余闕乃元臣死元難而夫人蔣氏又爲夫死
胡可以事元少之哉

扁舟時過皖偶爾謁余公天地開祠廟江山奠始終
青陽明大節白日表孤忠夫婦君臣義華夷本自同
將入太湖縣從皖口蚤發過石牌作

湖口接江灘舸舫去不難一帆風帶雨兩岸芷隨蘭
青入山俱右舟行水自寬居然百里內湍東有波瀾

野宿

獨宿江天夜孤舟斗上橫曠然山水處沉若鷺鷗輕
明滅親螢火潺湲切浪聲披衣中夜起星影接人平
真乘寺

湖邑無苛政沙門有妙僧白雲浮七級艾衲演三乘
鷺嶺鐘聲遍龍宮樹影層晚來吹法曲嗚咽碎寒冰

寺樓讀書

客裏偶無事窓前唯讀書青山懸屋角紺殿擁階除
時與古人接不妨塵俗踈從今拚沒齒只作字中魚
作客太湖五月無兩日坐僧舍荒園中因簡王

明府子聲

荒圃僧還拙空門客到稀蒔田嗟節過望雨恨時違
何日商羊舞頻息石燕飛精誠知麴令定不負牛衣
過鷹巢樹村

遠憶

無勞嗟戰勝垂老貴知非村歷鷹巢樹江回燕子磯
近帆穿浦曲野渡見人稀濩落天涯路何如偃舊扉
莽謂乾坤隘誠憐歲月稽別驚人老大行怪路東西
浦曲迴帆影岡頑費馬蹄雁行俱不到空自積封題

西壩

林花烟欲暝浦樹雨初收千里歸來客經年已敝裘
眼當雲外日心到竹西樓兒女燈前近湏知慰白頭

讀蘇叔黨颶風賦

曾讀前人賦秋來怯颶風只緣家近海不但世為農
陵谷須臾裏乾坤播蕩中最憐三日後無物不成空

觀漲

俯閣觀秋漲茫茫盡白波青山微露頂綠樹反枝柯
野突無烟火城闌出棹歌老人愁更劇敢自有雲蘿
天童寺六雄殿高十七丈一夕為風雨摧壞事
在丁亥七月廿有一日云

千載天童寺名山大海東丹青餘古殿像塑儼新工
佛亦難逃劫塵應揔是空滄棗陵谷變百六數誰窮
秋日病懷四首寄似家少宰肩吾兼柬余君房

督學

朝暮安麤糲壺觴任有無祀先尊二簋享客寡千奴
暫有蹲鴟設終憐稚子呼青山書一榻自笑老潜夫

稍喜晴今始無端雨又來屋頭鳩逐婦牆上鶴生塵
世事悲如昨雄心怪不灰五行今古志讀罷恨徘徊

萬物為芻狗天心豈不仁乾坤千劫過流峙一番新
正值堯湯世那逢百六辰廟堂知有策杞國浪憂人

吳楚兼閩越東南盡海陬側聞皆歎歲坐忍見徵求
上吏須寬政朝廷免至憂野夫徒自切不盡一身謀

孺原携榼伯翼脩園看芙蓉同其弟姪及朱倪

兩君因嘲伯翼他往

近郭江園霽秋光錦障開紅橋深樹底峻閣白雲隈
烟水尋僧去親朋載酒來主人雖避客却遣好花醅

七屯部移家月湖之西得詩二首似之

卜宅尋幽巷移居見遠心馬嘶烟樹老鷗戀野橋深

濟世難高卧憂時慣獨吟湖雲空自白不日又簪朝

流水當門住城雲惹竹枝遙隣賀監宅近接水仙祠

樓瞰全湖看庭侵古月緇讀書新雨過山色捲簾

東慧上人朗初天井山中

結夏入青山禪堂龍井間雲偷香氣重水荅梵鍾閒
白足何煩洗空門不受關倘思玄度處明月照西灣

問疾柴仲初

病久嗟難愈喧囂痛所親那堪踈藥碗况復寡比隣
骨肉天何假肝腸語自真空愁翻積損風日過河津

病遣

幸得貧無事因憐病不妨方書閒自檢藥裹漫曾忘
刪去詩仍改移來竹暫黃引兒初學語那敢恣清狂

方叔仁移家

移家向何處南郭柳條新
簾卷雲霞曙門侵江雨春
圖書不滿架骨肉只三人
知汝襟懷異開軒與月親
戊子元日

四海有今日十年無此晴
共占年穀熟忻睹泰階平
風俗安時令茅茨頌聖明
杞憂堪浣滌不覺酒杯傾
六日潘景升太學見過

歲事將人日江天現客星
橫塘弭遠棹平楚但荒亭
鷄黍貧家供山川上客靈
請題詩句在柳眼為君青
訪贈傅長源秀才兼示其姪孫光祿

汝本箕星具商霖望匪輕
如何雙鬢改猶自一諸生
住處佳山水游從好弟兄
步兵憐更羨不媿阮家名

宿傅光祿東樓

愛汝顏光祿東樓不可無
山川秦質縣墟井漢官奴
高枕江聲得凭闌海色扶
每期過信宿實欲界仙都
青霞閣為李子承題

何處青霞閣秦時質縣西
雲橫江樹渺日落海天低
山翠朝過雨橋紅夕飲霓
主人深自媚珠玉滿梁題
少宰以禪相勉賦示二首

侍即貪佛日居士置龕年
不苦頭陀行唯安自在禪

放參花外雨入定水中天身上衣隨俗無庸學水田

止觀六根清空諸四大名山河元滿眼天地豈留情

怕死真為死無生是有生安禪何所事唯取慧燈明

鄭朗携尊尋水雲亭分通字

林深僧不住唯有白雲通我輩生幽興携罇明月中
葉繁光若碎水近影全空露氣侵高閣踈鍾欲度風

盧子明見過二首

海上有盧生逍遙采藥行留題白雲觀吊古赤霞城

謂道三山近因之過四明所嗟風水惡不得到蓬瀛

尋真千里至過我十年期袂攬青霞色囊傾白雪詞

俯濤軒有石問字館無竒置壁遠供飯余誠媿負羈

喜雨

陰陰秋雨絕已及七旬餘郊墟生豺虎江鄉失鯉魚
濯枝寒颯颯破塊晚徐徐暫喜貧家供山盤薦軟蔬

病瘍二首

生死孰為真紛綸事不均自憐觀化久今已及吾身
忽怪柳生肘便為狼疾人夜長眠不得倍覺費精神

身如五石瓠自舉不能勝暫轉如推石難捫似鑿冰

繫匏真可擬釘座若為應四壁呻吟靜壯夫成凍

蕭瑟

豐樂堂詩選 卷二十一
病耳常蕭瑟夜深聞轉長朝來人報雨直至五更狂
想見枯荻醒緣知剩葉黃無能窓下坐間殺小胡牀
疽發背五少宰遣家奴劉喬來治能攻其毒謝

少宰

年如亞父長病似彭城危諸醫莫措手賴彼得支願
靈藥山中草新方海上竒中流一壺濟詎但千金爲

得鄔汝翼書

江上鄔生老踈狂詩酒中布衣元自貴皂帽肯吾同
一壑便爲美何山不是空八行天外至始信有冥鴻

枯坐

枯坐維摩初寒眠支遁牀轉移難自適居起不尋常
落葉風吹緊虛窓夜愜長道心何以長繕性在調良

劉喬采藥未還

采藥向何處穿林復過溪天寒苗不見徑仄種難携
水絕丹崖合嵐深青嶂低日斜回皓首望斷碧雲梯
病中諸友見過謂子明孺植孺宗大連仲連定

國長文鄭朗中孺

病裡懷諸友諸君揔不忘命舟來凍月分榻坐空房
開口銷沉痛清言勝藥王平生憐共賞何日領湖光
病間問孺愿癯

沉痾吾喜脫懷友到君深起色今何似霍然思好音
白雲庭樹老翠巘石池陰試可閒携步行將聞朗吟

新沐二首

衰病久連旬今朝盥櫛新罷梳猶喘喘晞髮故頻頻
共致重生賀私憐百感真揔之天所與敢自有吾身
白髮方新洗霜根雪草稠蓬隨破帽晒寒向小冠愁
彳亍追癯鶴峴巘似沐猴不窺青鏡久母使照雙眸

劇病中志幸

冬日如春暖風霜半點無卸衣常到和裹藥每沾襦
萬罪私天幸千憂謝鬼誅神明詎無意善飯喜今瘡

乞何六紅桃

病裡思春事閒中治臘園欲將新竹畔喚作小桃源
絳樹君曾許紅英我乞烏竟須培沃土莫惜決踈藩

十一月望

凍沉清夜漏寒肅曙霜天病劇搜人事愁長擲暮年
眠歆六十旦月望兩回圓稍覺今宵穩緣知血肉全
聞伯翼病歸

被病已牢落何當客裡身四千燕越路主僕兩三人
歸到憂疑去相安藥餌親固知楊伯起恒以德為隣

東孺愿

豐華詩選 卷三十一 十四
今已間無恙栖遲且一丘侍帷巫雨斷抱病小星休
藥碗知停久春杯引得否閉門懷友者日待狎蘭舟
乞孺愿酒

病久因思飲其如畢甕賒欲尋從事去無過步兵家
柳欲撩人媚梅將向客誇必須傾竹葉爲汝乞蓮花
孺愿懷我以詩貽我以酒因成斯篇用答其雅
病裡不知年因君詩句傳卷簾思暮雪飛夢劇江天
美酒貽同好新詩入巨編醉吟人笑我烏帽落華顛

答孺宗見懷

病中常過我愁裡又傳詩草積汀花動梁空社燕遲

城南樓近雪後月當池最是此時憶可能懽笑隨
五雪

冬雨雖然少連朝雪滿天今宜稱五白稔可溢三年
春近梅花盛寒清月色娟通宵窓眼曙消得病夫眠
答鄭朗雪中見懷

釀得模糊色堪傳縞素名乾坤還大皞山水抗無情
不濕梨花雨空飄柳絮晴多君懷我意只隔水盈盈
重沐

一月今重沐百年生遠思歲時深涕淚風雪幾艱危
引鏡吾非我臨風汝是誰蕭騷雙短髻翻喜映霜髭

病起懷四明山

有雨便為雪高深氣自靈地蟠三越大峰入五雲青
花自迷樊榭泉空響鹿亭欲尋仙子去其柰路冥冥
人日

人日草堂晴青山面面迎海氛東去淨野氣北來清
花勝爭梅淺春杯入柳明笙歌何處發知是太平聲
賦得金閨近贈少年客游者

誰道金閨近須憐玉勒頻今朝鏡裡影明日夢中身
別語言言淚鄉書字字真江湖催歲月莫倚少年人
耳聾

時當杖國一聾耳固應然不識雷霆怒那聞言語喧
惟將一笑諾尤藉重聲傳夜卧真安穩何驚雨破天
過邵武令張長公墓

慷慨真吾輩風流竟此人生為彭澤令死塋武陵津
五柳門前老千花墓口新相過一涕淚青草正如茵
尋李五墓

酒故如劉甚詩新學杜成正堪雄此輩何乃棄平生
有子能傳業無年可擅名特來尋宿草一拜淚縱橫
赴李退思飲

雨過草堂遲深杯不肯辭新知元舊講此道已心期

花蔓高連屋藤稍遠覆池從茲來往熟常許訂文詞

四月十九日雨

正惜江田渴尤嫌海氣昏天心雲忽起當面雨如奔
霖霖夜來久淋漓曉更繁分龍明日是靜聽老農言

春江四十二弟餉魚作

正喜兒懽父尤憐弟愛兄江魚新入饌分我一杯羹
携向花前醉徐來竹下行想君高閣上坐閱晚潮生

生來

生來吾喜甚山水自為鄉東壁懸松拂北窓安竹牀
百年無事石間日課詩忙坐卧吟秋水扁舟意渺茫

小醉

無處堪逃暑因思避酒卮不逢河朔飲空負習家池
小醉非寥廓微吟亦委蛇說詩吾自快何用解人頤

酷暑中寄示鄭朗二首

自得長箋後公然缺報書憐君三伏暑况乃再生餘
且自存鷄肋胡言老蠹魚平生唯蹇拙切莫悞謀

有感憐鰲婦無端笑杞人易辭嗟食晚難埃太平春
莽莽乾坤大筑筑世路貧知君甘寂莫吟詠與誰頻

愁

愁緒欲千端名言狀莫殫雙眉容不盡方寸揔來攢

樂陣攻才破酒兵圍暫寬吾生今已老切莫與盤桓
秋熱

大火已西流梧桐葉半稠濕烟常作暖小雨不成秋
千里悲雲漢雙星嘆女牛七襄空自詠終夜倚危樓
霏雨

日日霏秋雨纖纖弄晚晴徒能滋蔓草不勾活香梗
禾蝨除無計蠲塘沸有聲何由了公稅啜矣泣書生
何不日悠悠

何不日悠悠何為嘆白頭千年懷世感百畝抱農憂
海氣沉秋黑山光破晚幽不緣佳客到誰共訪江鷗

黃髮

有兒頻索果無客遠徵文萬事已黃髮一心唯白雲
好花當面落勝景與人分多病辭涓滴開門理鷺群
五少宰第五子彌月赴晏作

來趨湯餅會多是百年人海雨千秋色山花十月春
神駒金駮裏繡鞞玉麒麟崧嶽它年頌新詩及甫申
與慧朗初登城同賦

秋盡一躋攀孤城返照間天空高樹出地遠大江環
老至忻無恙僧來與共閒登高頻指點相送鳥歸山
登延慶寺鐘樓作

城南唯水寺鐘散曉啼鴉海舶從潮上江樓倚郭斜
衆山遥拱郡平楚各爲家萬井連秋色荒烟幾處花
送蔡子行北上赴余公子太僕之招

小少生燕冀歸來越國貧壯遊三輔地任俠五陵人
去不携妻子行當問隱淪漸離工擊筑莫便近西秦

臘月廿八日夜雪

蜡後逢除近彌天大雪來寒威銷蠟炬生氣入春杯
白助江梅冷青分爆竹開明將占歲稔六出剪花回

積雨

積雨入春湖連陰自歲徂問竒何所有沉醉不能無

鄉國憂非汶東南慮豈徒呂公須對食流涕語妻孥

廿一日甲子新霽二首

今日喜晴新過春已二旬占書題甲子不雨是良景
多暴驚群聚號饑逼四隣西疇將起事稍稍慰貧人

歲次舍庚寅金穰卜有辰濕雲埋日久朝旭報晴新
率土陰陽準回天燮理真稍堪存赤子誰不仰王仁

二月五日雪

已近百花節何來五出飛韶光一夜減月令仲春遠
蝶粉愁先褪鶯黃畏不肥五行書速報莫遣諫章稀

窺園

三月不窺園陰墻浣蘚痕春寒花較淺節近草先繁
抱膝無拘束行吟忽自論幸生明盛日不敢閉柴門
過孺宗齋頭值主人外出

每愛清齋坐相過盡日留今來唯看竹澹矣一庭秋
蘭氣薰如醉池光深不流美人何處所聞說沉虛舟
讀鄭朗病草作寄

新詩愁裡得句句使人驚不少傷心淚尤深哭子情
江花三月雨砌竹萬竿晴借問高吟候能將物慮輕
哭窓友何廿七秀才仁里二首仁里尊人賞予
文下童子時予從子大參亦嘗學易於仁里

故方若翁上公之句

何點何曾隱明時竟不庸少唯攻博士老欲學倉公
有子如無子而翁即若翁最憐今日死無處哭秋風
嘆汝多才藝尤憐老更窮逢人譚祿命遇歲卜凶豐
賣藥醫貧士傳經得上公一椽溪屋小不復坐青楓

七月七夕作

是日乃王大父宣義即毅菴府君之忌日也
府君得年五十有五是年五月九日舉先君
是日捐館余少侍先君每于是日作享必涕
淚交頤蓋傷終身不識父云

百年踰五十誰際此長生敬守傳家約寧忘泣硯情
終身憂一日吾父極衷誠記得臨風際無聲泣若傾
八月廿有五日包和孺携尊過陸氏樓同張平
叔陸汝通汪長文張玄度張孺原張公魯陸
崇昇侍酒者朱生賽蘭以笑容不及美人妝
爲韻其分得芙字長文同韻

載酒過西湖包何與甚都人心艷春色花事及秋芙
露飲四更月松眠五大夫不知天欲曙萬井任啼烏
同陳嘉之過訪李太學惟中

值汝為園口携朋問草堂清池臨巨石小閣傍長楊

藥裹烏皮几琴書白玉牀飯余過賜第深竹晝思涼
憶花下送別錢子儲賦此為寄

風前臨玉樹花下送王孫翻憶當初別相携不出村
白雲空海嶠山月正黃昏自信天涯近頻將役夢魂

豐對樓詩選卷第二十一

皇朝詩選

卷五

五



